



Dubai i Maldivi iz Sarajeva

14. august 2026. - 26. august 2026.
13 dana - 11 noći

“ Ako želite da iskusite nezaboravno putovanje koje spaja nevjerovatne gradske atrakcije i predivne plaže, **egzotično putovanje** "Dubai i Maldivi" je pravi izbor za vas. Ovo putovanje započinjemo uživanjem i odmorom na Maldivima, a završavamo u Dubaiju jednom od najposjećenijih gradova svijeta.

Maldivi su najmanja Azijska zemlja, kako po površini tako i po broju stanovnika. Nalaze se u Indijskom okeanu i sastoje se od 1.200 manjih i većih ostrva od kojih je samo oko 200 ostrva naseljeno. Svako ostrvo predstavlja posebnu priču i sve je podređeno uživanju.

Glavni i najveći grad Republike je Male sa preko sto hiljada stanovnika i nalazi se na sjevernom obodu Atola Male, tačnije na Kaafu Atolu. Toplo i čisto more uz najljepše plaže, netaknutu prirodu i povoljnu klimu pružaju odlične uslove za nezaboravan odmor.

Dubai je danas jedna od najmodernijih i najaktuelnijih turističkih destinacija zahvaljujući brojnim atrakcijama kao što su Burdž Kalifa (Burj Kalifa), koja je ujedno i najviša zgrada na svijetu, Burdž Al Arab (Burj Al Arab), ostrvo The Palm, Dubai Mall, najveći tržni centar na svijetu.

Iskoristite priliku da se sunčate i kupate na Džumeira plaži (Jumeirah beach) na kojoj su smješteni i neki od najekskluzivnijih hotela.

Obilasci uključeni u cijenu: 1. Vožnja kajacima/daskama sa veslima, 2. Ronjenje (Snorkeling) na lokalnom koralnom grebenu, 3. Grupna večera na plaži (za uplaćene usluge polupansion i puni pansion), 4. Čajanka na rooftop-u hotela

”



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Sastanak grupe na aerodromu i polazak

Sastanak na aerodromu u Sarajevu, dva sata prije leta. Priče o egzotičnom krajevima i smješkanje dok čekate na let. Idete na istok u susret Indijskom okeanu. Let iz Sarajeva za Dubai u 14:10h.

Prevoz

Avionska karta sa svim taksama na relaciji Sarajevo - Dubai - Male, u ekonomskoj klasi sa presjedanjem

Mesto

Sarajevo, Dubai

Dan 2: Konekcija za let i dolazak na Maldive i transfer do ostrva Maafushi

Dolazak u Dubai u 21:40h. Slobodno vrijeme do polaska za Maldive. Let za Maldive u 01:35h. Dolazak na aerodrom u Male u 06:55h. Transfer brodom do ostrva Maafushi. Ulazak u sobe. Slobodno vrijeme. **Noćenje.**

Prevoz

Transfer od aerodroma do smještaja

Smeštaj

Arena Beach (1 noć)

Mesto

Dubai, Male, Maafushi

Dan 3: Ronjenje sa ajkulama, ražama, delfinima i odlazak na pješčani sprud

Dan predviđeni za nekoliko egzotičnih avantura na rajskom ostrvu i uživanje u egzotičnoj hrani. Prvi dio dana iskoristit ćemo za ronjenje sa ajkulama. Avanturistički izlet koji se obavezno treba naći na vašoj listi dok ste na Maldivima. Nakon toga, odlazimo do ostrva Fulidhoo gdje ćemo imati jedinstvenu priliku da ronimo sa ražama, nakon čega druženje nastavljamo na obližnjem pješčanom sprudu gdje ćemo imati ručak. Za kraj dana, uživat ćemo u ronjenju sa delfinima i nevjerovatnom pogledu na raznovrstan šarenoliki podvodni svijet Maldiva. Povratak u smještaj. **Noćenje.**

Smeštaj

Arena Beach (1 noć)

Hrana

Doručak × 1
Polupansion × 1
Puni pansion × 1

Fakultativni izleti

Plivanje sa ajkulama i ražama i posmatranje delfina

Dan 4: Fakultativni izlet: Istraživanje Vaavu atola i olupine broda „Real Break“

Slobodan dan za istraživanje Maafushija ili odlazak na fakultativni izlet –Istraživanje Vaavu atola i olupine broda „Real Break“. Upućujemo se na cjelodnevni avanturistički izlet do Vaavu atola gdje istražujemo sve njegove ljepote. Glavna atrakcija na ovom izletu je snorkeling oko polupotopljene olupine broda poznate pod nazivom „Real Break“. Najviše ćemo uživati u pogledu na nestvarne raznobojne korale koji su sa vremenom napravili predivan koralni greben na olupini i unutar nje. Nakon snorkelinga, odlazimo do magičnog lokalnog ostrva Thinadoo gdje ćemo uživati u plavetnilu Indijskog okeana i nestvarnoj prirodi ovog ostrva. Prije polaska u hotel, imaćemo ručak na obližnjem pješčanom sprudu usred okeana. Povratak u smještaj. **Noćenje.**

Smeštaj

Arena Beach (1 noć)

Hrana

Doručak × 1
Polupansion × 1
Puni pansion × 1

Fakultativni izleti

Istraživanje Vaavu Atola i olupine broda „REAL BREAK“



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 5: Noćno pecanje

Doživite Maldive na pravi način, prepustite se lokalnom načinu života, uživajte u egzotičnoj hrani i upoznajte novu kulturu. Odlazimo na noćno pecanje. Iskusite noćni ribolov – maldivski stil, koristeći ruke i sirovu ribu kao mamac. Umjetnost kojom se mještani bave generacijama, a danas privlači radoznale putnike koji i sami žele da učestvuju u avanturi. Idealan izlet, nezaboravno veče i prilika da ulovite ribu pod zvjezdanim nebom Maldiva. Povratak u smještaj. **Noćenje.**

Smeštaj

Arena Beach (1 noć)

Hrana

Doručak × 1
Polupansion × 1
Puni pansion × 1

Fakultativni izleti

Noćni ribolov na Maldivima

Dan 6: Ronjenje sa kornjačama na grebenu Biyadhoo ostrva

Još jedan dan za istraživanje podvodnog svijeta Maldiva. Vodimo Vas na ronjenje sa čak tri zaroni, nakon čega nas očekuje voćno osvježenje. Nakon osvježenja, imat ćemo priliku da ronimo sa kornjačama, kao i da ronimo na Biyadhoo grebenu. Povratak u smještaj. **Noćenje.**

Smeštaj

Arena Beach (1 noć)

Hrana

Doručak × 1
Polupansion × 1
Puni pansion × 1

Fakultativni izleti

Snorkeling sa kornjačama na grebenu otoka Biyadhoo

Dan 7: Fakultativni izlet - Resort visit day

Još jedan dan za zanimljive aktivnosti. Upućujemo se na fakultativni izlet – *Resort visit day*. Odlazimo u neki od najpopularnijih resortova. Njihove jedinstvene lokacije nude pristup netaknutim plažama, kao i priliku da zaronimo i istražimo jedinstveni morski svijet ovog ostrva. Uživamo u zlatnom suncu i mekanom pijesku dok istražujemo bogata tropska čudesa živahne ostrvske države. Povratak u smještaj. **Noćenje.**

Smeštaj

Arena Beach (1 noć)

Hrana

Doručak × 1
Polupansion × 1
Puni pansion × 1

Fakultativni izleti

Resort visit day

Dan 8: Vožnja kajacima/daskama sa veslima, ronjenje na lokalnom grebenu i večera na plaži

Ovaj dan ćemo iskoristiti za mnogobrojne aktivnosti u kojima se možete probati tokom našeg boravka na Maldivima. Upuštamo se u avanturu vožnjom kajacima ili na daskama za veslanje, nakon čega odlazimo na ronjenje do lokalnog koralnog grebena. Nakon povratka sa ronjenja, ljubazno osoblje hotela nam priprema romantičnu večeru na plaži gdje ćemo provesti nezaboravno veče uz muziku i ljubazne razgovore sa lokalnim stanovništvom. **Noćenje.**

Smeštaj

Arena Beach (1 noć)

Hrana

Doručak × 1
Polupansion × 1
Puni pansion × 1

Dan 9: Napuštanje smještaja na Maldivima, transfer do aerodroma i dolazak u Dubai. Slobodno vrijeme

Napuštanje smještaja. Transfer brodom do Malea. Posljednji dan nam ostaje da se upoznamo sa glavnim gradom Maldiva. Slobodno vrijeme da dokupimo još po neki suvenir, popijemo još po neki koktel i pripremimo se za put. Let iz Malea za Dubai u 09:55h. Dolazak u Dubai u 13:30h. Transfer do smještaja i ulazak u sobe. Slobodno vrijeme. **Noćenje.**

Prevoz

Avionska karta sa svim taksama na relaciji Male - Dubai, u ekonomskoj klasi

Smeštaj

Al Khoory Courtyard Hotel (1 noć)

Mesto

Maafushi, Male



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Dan 10: Fakultativni izlet - Tura modernog Dubajja

Nakon doručka imamo slobodno vrijeme za uživanje na plaži. U popodnevним satima odlazimo u Dubai Mall, najveći shopping centar na svijetu prepun zabavnih i rekreativnih aktivnosti, koji se nalazi pored najviše zgrade na svijetu, Burj Khalife. Sa više od 1.200 prodavnica i stotinama lokala za hranu i piće, Dubai Mall prostire se na više od milion kvadratnih metara - što je površina približna 200 fudbalskih terena. Slobodno vrijeme za kupovinu i razgledavanje. Prilika da se popnete na 125. sprat Burj Khalife odakle se pruža panoramski pogled od 360 stepeni na Arapski zaliv. Nakon toga idemo da se slikamo i divimo rasplesanim fontanama. Bićemo svjedoci najviše fontane na svijetu koja ima magičnu predstavu sa vodom, muzikom i svjetlom. Slobodno vrijeme provodimo u Souk Al Bahar. Smješten u srcu grada, ovaj popularni centar je kombinacija šopinga, zabave i restorana. S pogledom na fontanu Dubajja i Burj Khalifu, ova lokacija je savršena za uživanje u pogledu na najviši toranj na svijetu. Povratak u smještaj oko 22:00 sata. Slobodno vrijeme. **Noćenje.**

Prevoz

Transfer od aerodroma do smještaja

Smeštaj

Al Khoory Courtyard Hotel (1 noć)

Mesto

Dubai

Hrana

Doručak × 1

Fakultativni izleti

Modern Dubai Tour

Dan 11: Fakultativni izlet - pustinjski džip safari, jahanje kamila i tradicionalna večera

Nakon doručka, jutarnji sati su slobodni za uživanje na plaži ili za šetnju. Oko 14:00h idemo sa 4x4 džipovima kroz pustinjsku avanturu. Tokom uzbudljive vožnje pustinjskim dinama, stižemo do prve destinacije da posmatramo zalazak sunca. Nastavljamo vožnju kroz dine kako bismo konačno stigli do našeg kampa. Ovdje imate priliku da jašete kamile ili isprobate dizajniranje kane na ruci ili stopalima. Nastavljamo sa ukusnom tradicionalnom večerom i šišom (poznata arapska nargila), dok uživamo u vatrenom performansu i plešemo oko logorske vatre. Povratak u smještaj oko 22:00 sata. Slobodno vrijeme. **Noćenje.**

Smeštaj

Al Khoory Courtyard Hotel (1 noć)

Hrana

Doručak × 1

Fakultativni izleti

Pustinjski safari, jahanje kamila i večera u pustinji

Dan 12: Fakultativni izlet - Miracle Gardens, Emirates Mall, Madinat Jumeirah

Nakon doručka odlazimo da vidimo milione cvijeća i egzotičnih aranžmana u cvatu. Svijet cvjetnih čuda čeka vas u Dubai Miracle Gardenu, najvećem prirodnom cvjetnom vrtu na svijetu. Park od 72.000 kvadratnih metara sadrži impresivan niz poznatih zgrada i struktura potpuno transformiranih u šarene cvjetne izložbe. Zatim idemo do Emirates Mall-a gdje ćemo vidjeti zatvorene ski staze i imati slobodno vrijeme za kupovinu i razgledanje. Nastavljamo prema Madinat Jumeirah. Inspirisan arapskim gradovima, Madinat Jumeirah je mini-grad u Dubajju, koji se sastoji od hotela sa pet zvjezdica, raskošnih pijaca i prekrasnih plaža. Tu se nalazi cijeli riječni sistem dug pet kilometara zajedno sa vlastitom flotom tradicionalnih Abra brodova. Imamo slobodnog vremena za istraživanje i uživanje na plaži. U smještaj se vraćamo oko 19:00 sati. Slobodno vrijeme i prilika da posjetite Global Village. **Noćenje.**

Smeštaj

Al Khoory Courtyard Hotel (1 noć)

Hrana

Doručak × 1

Fakultativni izleti

Obilazak Miracle Gardens, Emirates Mall i Madinat Jumeirah

Dan 13: Povratak i kraj putovanja

Nakon doručka, odjava iz hotela i slobodno vrijeme do polaska za Sarajevo. Let za Sarajevo u 13:10h. Dolazak u Sarajevo u 17:10h. Kraj putovanja!

Prevoz

Transfer od smještaja do aerodroma
Avionska karta sa svim taksama na relaciji Dubai - Sarajevo, u ekonomskoj klasi

Mesto

Dubai, Sarajevo

Hrana

Doručak × 1

Cene i uslovi

Smještaj

Al Khoory Courtyard 4* Hotel

Šta je uključeno

- Obilazak glavnog grada Malea, vožnja kajacim sa veslima, Snorkelingna koralnom grebenu, romantična večera na plaži (za uplaćene usluge polupansion i puni pansion), čajanka na rooftop-u hotela.
- Kompletna organizacija i usluge predstavnika agencije na destinaciji
- Smještaj u Dubajju BB
- Smještaj u dvokrevetnim sobama na bazi 3 noćenja sa doručkom (kontinentalni doručak) u Al Khoory Courtyard Hotel i 4* ili sličnom (prema lokalnoj kategorizaciji) u Dubajju
- Organizovan prevoz
- Svi transferi prema planu i programu puta
- Povratna avionska karta sa svim taksama na relaciji Sarajevo - Dubaii - Male - Sarajevo, u ekonomskoj klasi sa presjedanjem

Regularna cena
4.090,00 BAM

Promo cijena
Vrijedi za **prve prijave!**
3.490,00 BAM

Smještaj

Triton Prestige Seaview & Spa 4* ND

Šta je uključeno

- Obilazak glavnog grada Malea, vožnja kajacim sa veslima, Snorkelingna koralnom grebenu, romantična večera na plaži (za uplaćene usluge polupansion i puni pansion), čajanka na rooftop-u hotela.
- Kompletna organizacija i usluge predstavnika agencije na destinaciji
- Organizovan prevoz
- Svi transferi prema planu i programu puta
- Povratna avionska karta sa svim taksama na relaciji Sarajevo - Dubaii - Male - Sarajevo, u ekonomskoj klasi sa presjedanjem
- Smještaj u dvokrevetnim sobama na bazi 7 noćenja sa doručkom u Triton Prestige Seaview & Spa Hotelu 4* ili sličan na otoku Maafushi

Regularna cena
4.090,00 BAM

Promo cijena
Vrijedi za **prve prijave!**
3.490,00 BAM

Smještaj

Triton Prestige Seaview & Spa 4* polupansion

Šta je uključeno

- Obilazak glavnog grada Malea, vožnja kajacim sa veslima, Snorkelingna koralnom grebenu, romantična večera na plaži (za uplaćene usluge polupansion i puni pansion), čajanka na rooftop-u hotela.
- Kompletna organizacija i usluge predstavnika agencije na destinaciji
- Organizovan prevoz
- Svi transferi prema planu i programu puta
- Povratna avionska karta sa svim taksama na relaciji Sarajevo - Dubaii - Male - Sarajevo, u ekonomskoj klasi sa presjedanjem
- Smještaj u dvokrevetnim sobama na bazi 7 noćenja sa polupansionom u Triton Prestige Seaview & Spa Hotelu 4* ili sličan na otoku Maafushi

Regularna cena
4.290,00 BAM

Promo cijena
Vrijedi za **prve prijave!**
3.690,00 BAM

Smještaj

Triton Prestige Seaview & Spa 4* puni pansion

Šta je uključeno

- Obilazak glavnog grada Malea, vožnja kajacim sa veslima, Snorkelingna koralnom grebenu, romantična večera na plaži (za uplaćene usluge polupansion i puni pansion), čajanka na rooftop-u hotela.
- Kompletna organizacija i usluge predstavnika agencije na destinaciji
- Organizovan prevoz
- Svi transferi prema planu i programu puta
- Povratna avionska karta sa svim taksama na relaciji Sarajevo - Dubaii - Male - Sarajevo, u ekonomskoj klasi sa presjedanjem
- Smještaj u dvokrevetnim sobama na bazi 7 noćenja sa punim pansionom u Triton Prestige Seaview & Spa Hotelu 4* ili sličan na otoku Maafushi

Regularna cena
4.490,00 BAM

Promo cijena
Vrijedi za **prve prijave!**
3.890,00 BAM



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Nije uključeno

- Međunarodno zdravstveno osiguranje (može se uzeti u agenciji)
- Individualne troškove nastale za vrijeme trajanja aranžmana
- Doplata za sobu sa pogledom na more
- UAE turistička taksa (2,50 USD osoba po noći)
- Odabir sjedišta u avionu

Uslovi plaćanja: Cijene aranžmana objavljene na web stranici izražene su sa uračunatim popustom i vrijede za plaćanje gotovinom u poslovnici ili uplatu na transakcijski račun agencije.

Prilikom prijavljivanja plaća se avans u iznosu od 600 KM, a ostatak sume plaća se u agenciji ili putem banke najkasnije 30 dana pred put.

Nudimo vam mogućnost plaćanja **NA RATE karticama UniCredit banke**. Mogućnost odabira plaćanja od 2 do 24 rate.

Za kartično plaćanje primjenjuju se regularne cijene aranžmana, bez mogućnosti ostvarivanja popusta za gotovinsko plaćanje i vrijedi za sva putovanja ukoliko putnik aranžman plaća u poslovnici karticom - jednokratno ili shopping karticom na rate.

Prijavlivanje: Preporučujemo ranije prijave jer je broj mesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mesec dana pred put. Ukoliko putnici ne dostave dokumenta za vize u navedenom roku, dužni su da sami obezbede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Plivanje sa ajkulama i ražama i posmatranje delfina

Cijena: **60,00** USD

Prvi dio dana iskoristit ćemo za plivanje sa bezopasnim ajkulama. Na izletu odlazimo i do otoka Fulidhoo, gdje ćemo imati jedinstvenu priliku roniti s ražama, nakon čega druženje nastavljamo na obližnjem pješčanom sprudu gdje ćemo imati ručak, a potom i odlazak na posmatranje delfina.

Cijena uključuje: usluge predstavnika agencije, organiziran prijevoz po predviđenom programu, opremu za ronjenje.

Istraživanje Vaavu Atola i olupine broda „REAL BREAK“

Cijena: od **80,00** USD do **95,00** USD

Upućujemo se na cjelodnevni avanturistički izlet do Vaavu atola gdje istražujemo sve njegove ljepote. Glavna atrakcija na ovom izletu je snorkeling oko polupotopljene olupine broda poznate pod nazivom „Real Break“. Najviše ćemo uživati u pogledu na nestvarne raznobojne korale koji su sa vremenom napravili predivan koralni greben na olupini i unutar nje. Nakon snorkelinga, odlazimo do magičnog lokalnog ostrva Thinadoo gde ćemo uživati u plavetnilu Indijskog okeana i nestvarnoj prirodi ovog ostrva. Prije polaska u hotel, imaćemo ručak na obližnjem pješčanom sprudu usred okeana. **Paket uključuje:** organizovani prevoz po predviđenom itinereru, lokalnog vodiča, ručak, opremu za snorkeling, podvodne slike i snimke.

Noćni ribolov na Maldivima

Cijena: **35,00** USD

Iskusite noćni ribolov na maldivski način, koristeći ruke i sirovu ribu kao mamac. Ovo je umjetnost kojom se lokalci bave generacijama, a danas privlači radoznale putnike koji i sami žele sudjelovati u avanturi. Očekuje nas idealan izlet, nezaboravna večer i prilika da ulovite ribu pod zvjezdanim nebom Maldiva.

Cijena izleta uključuje: usluge predstavnika agencije, organiziran prijevoz po predviđenom programu, opremu za ribolov, večeru od vlastitog ulova posluženu s rižom i salatam.

Snorkeling sa kornjačama na grebenu otoka Biyadhoo

Cijena: **40,00** USD

Zaronimo u podvodni svijet s ovim predivnim stvorenjima. Ronjenje sa kornjačama, iskustvo je koje izaziva i poštovanje i uzbuđenje. Tokom ovog izleta imat ćete priliku istražiti najzanimljivija i najljepša mjesta za ronjenje. Jedno od njih je i koraljni greben otoka Biyadhoo. Ovdje ćete se sresti s ribama najrazličitijih veličina, boja i oblika. Raznobojni će vas koralji također očarati. Ovaj ćete izlet pamtit dugo jer podvodni svijet Maldiva predstavlja pravi tropski raj.

Cijena izleta uključuje: ručak, usluge predstavnika agencije i lokalnog vodiča, opremu za ronjenje.

Resort visit day

Cijena: od **125,00** USD do **135,00** USD

Odlazimo u neki od najpopularnijih resorta. Njihove jedinstvene lokacije nude pristup netaknutim plažama, kao i priliku da zaronimo i istražimo jedinstveni morski svijet tog ostrva. Uživamo u zlatnom suncu i mekanom pijesku dok istražujemo bogata tropska čudesa živahne ostrvske države.

Cijena izleta uključuje: organizovani prevoz po predviđenom itineraru, ulaz na ostrvo, ležaljku, ručak (švedski sto) i bezalkoholna pića.

Modern Dubai Tour

Cijena: **70,00** USD

Posjeta **Dubai Mall-u**, najvećem trgovačkom centru na svijetu prepunom zabavnih i rekreativnih aktivnosti, koji se nalazi pored najviše zgrade na svijetu **Burj Khalife**. Sa više od 1.200 prodavnica i stotinama lokala za hranu i piće, Dubai Mall prostire se na više od milion kvadratnih metara - što je površina približno 200 fudbalskih terena. Imamo slobodnog vremena za kupovinu i razgledanje. Na ovo obilasku imat ćemo priliku popeti se na 125. sprat Burj Khalife odakle se pruža panoramski pogled od 360 stepeni na Arapski zaliv. Nakon toga idemo da se slikamo i divimo rasplesanim fontanama. Bićemo svjedoci najviše fontane na svijetu koja ima magičnu predstavu sa vodom, muzikom i svjetlom. Slobodno vrijeme provodimo u **Souk Al Bahar**. Smješten u srcu grada, ovaj popularni centar je kombinacija šopinga, zabave i restorana. S pogledom na fontanu Dubajja i Burj Khalifu, ova lokacija je savršena za uživanje u pogledu na najviši toranj na svijetu.



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Trajanje izleta: 8 sati

U cijenu izleta uključeno je: Organizovan prevoz po planiranom planu i programu, predstavnik agencije.

U cijenu izleta nije uključeno:

- Ulaz u Burj Khalifa 124. i 125. sprat - 45 USD po osobi

Pustinjski safari, jahanje kamila i večera u pustinji

Cijena: 55,00 USD

Izlet počinje u popodnevnom satima kroz pustinju Dubaija sa nekoliko zaustavljanja za fotografisanje. Tokom uzbudljive vožnje kroz pustinjske dine, stižemo do prve destinacije da posmatramo prekrasan zalazak sunca. Nastavljamo vožnju kroz dine kako bismo konačno stigli do našeg kampa. Ovdje imate priliku da jašete kamile i isprobate dizajniranje kane na ruci ili stopalima. Nastavljamo sa ukusnom tradicionalnom večerom i šišom (poznata arapska nargila), dok uživamo u vatrenom performansu i plešemo oko logorske vatre.

Trajanje izleta: 5 sati

U cijenu izleta uključeno je: Organizovani prevoz džipom 4x4 po planiranom planu i programu, predstavnik agencije, večera i sve aktivnosti predviđene programom.

Obilazak Miracle Gardens, Emirates Mall i Madinat Jumeirah

Cijena: 70,00 USD

Swijet cvjetnih čuda čeka vas u **Dubai Miracle Garden**, najvećem prirodnom cvjetnom vrtu na svijetu. Park od 72.000 kvadratnih metara sadrži impresivan niz poznatih zgrada i struktura potpuno transformiranih u šarene cvjetne izložbe. Zatim idemo do **Emirates Mall**-a gdje ćemo vidjeti zatvorene ski staze i provoditi slobodno vrijeme u kupovini i razgledavanju. Nastavljamo prema **Madinat Jumeirah**. Inspirisan arapskim gradovima, Madinat Jumeirah je mini-grad u Dubaiju, koji se sastoji od hotela sa pet zvjezdica, raskošnih pijaca i prekrasnih plaža. Postoji cijeli riječni sistem, dug pet kilometara, zajedno sa vlastitom flotom tradicionalnih Abra brodova. Tu provodimo slobodno vrijeme u istraživanju i uživanju na plaži.

Trajanje izleta: 10 sati

U cijenu izleta uključeno je: Organizovani prevoz po planiranom planu i programu, predstavnik agencije i ulaznica za Dubai Miracle Garden.

Smeštaj

Arena Beach ****

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel Arena Beach 4* smješten je uz obalu otoka Maafushi, a nudi moderan i miran smeštaj i besplatni Wi-Fi u cijelom objektu te u sobama. U okviru objekta gosti mogu uživati u vodenim sportovima poput ronjenja, ronjenja s maskom i disalicom te jedrenja na dasci.

Sve elegantno namještene hotelske sobe uključuju klima-uređaj, sef, električno kuhalo, ormar i TV ravnog ekrana s kablovskim/satelitskim programima. U hotelu se gosti mogu opustiti u zajedničkoj hidromasažnoj kadi ili na ležaljka na krovu. Na recepciji otvorenoj 24 sata dostupno je skladište prtljage, a ljubazno osoblje gostima može pružiti uslugu prodaje karata ili može dogovoriti obilaske.

* Tačan naziv smeštaja biće potvrđen najkasnije do 30 dana pred put.

Sajt

<https://www.arenabeachmaldives.com/>

Adresa

Ziyaaraiy Magu
Maafushi 08090
Maldives

Al Khoory Courtyard Hotel ****

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Al Khoory Courtyard Hotel se nalazi u oblasti Al Quoz u Dubaiju. Područje poznato po živopisnim umjetničkim i kulturnim centrima, umjetničkim galerijama, bezbrojnim restoranima i kafićima.

Hotel ima bazen na krovu, potpuno opremljen fitness centar, wellness i spa centar idealan za vaš odmor. A sa ljetne terase se divimo horizontu centra Dubaija.

Svaka soba je klimatizovana, sa sopstvenim toaletom i bežičnim internetom u cijelom hotelu. Usluga je bazirana na noćenju s doručkom.

Sajt

<https://alkhooryhotels.com/courtyard/>

Adresa

Al Waha St - Al Quoz - Al Quoz 3 - Dubai - United Arab Emirates

Prevoz



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Mesta

Sarajevo

Sarajevo je glavni i najveći grad Bosne i Hercegovine. Nalazi se na rijeci Miljacki, desnom pritoku Bosne, u istočnom dijelu sarajevsko-zeničke kotline. Sarajevo je najveći grad u Bosni i Hercegovini i istaknuti kulturni centar u Jugoistočnoj Europi. Grad je poznat po svojoj tradicionalnoj kulturnoj i vjernoj raznolikosti, sa pripadnicima islama, pravoslavlja, judaizma i katolicizma. Zbog svoje duge i bogate povijesti i pripadnosti, vjerskih i kulturnih raznolikosti, Sarajevo se ponekad naziva "Jeruzalem Europe".

Dubai

Dubai je jedan od sedam emirata u federaciji Ujedinjeni Arapski Emira. Ima 2.106.177 stanovnika i poznata je turistička destinacija. Dubai leži na sjeveru Emirata Dubai uzduž istoimenog kanala Perzijskog zaljeva, širokog od 100 do 1300 metara i dugog 14 km, koji ga dijeli na dva dijela.

Male

Malé je glavni grad otočne republike Maldivi u Indijskom okeanu. Grad pokriva cijelu površinu otoka Malé smještenog u atolu Kaafu, iako se unatoč tom geografskom položaju u administrativnom smislu ne smatra dijelom atola. Malé je i glavno središte poslovnih i trgovačkih aktivnosti na Maldivima, a u njemu se nalazi i trgovačka morska luka. Velik broj vladinih zgrada i agencija nalazi se na obali. Grad je podijeljen na četiri divizije koje nose nazive Henveir, Galolhu, Maafannu i Machangolhi.

Maafushi

Najpopularnije i jedno od najvećih maldivskih ostrva. Nalazi se 27 kilometara od Malea. Maafushi je jedan od najnaseljenijih otoka i poznat je po nevjerovatnim plažama i prirodi.

Korisne informacije

Maldivi

OPŠTE INFORMACIJE:

Maldivi, službeno Republika Maldivi, su ostrvska država u **Indijskom okeanu**, jugozapadno od Indijskog poluostrva. Sastoje se od oko **1.200 koralnih ostrva** grupisanih u 26 atola, među kojima je oko 200 naseljenih, a ostalih 80 se koristi za potrebe turizma. U ovoj državi nema rijeka i jezera, već je sa svih strana okružena Indijskim okeanom. Prepoznatljivi su u svijetu po dugim, bijelim pješćanim plažama, nevjerovatnom plavetnilu vode i predstavljaju destinaciju iz snova.

Na našim turama steći ćete jedinstveno iskustvo tokom boravka na lokalnim ostrvima i doživjeti Maldive na način kako ga njegovi stanovnici doživljavaju. Privreda se temelji na turizmu i ribolovu, kao i izvozu kokosa, banana i ostalog tropskog voća. Glavni i najveći grad je **Male**, glavno trgovačko i poslovno središte. Sam grad nalazi se na ostrvu površine 6 km² i u njemu živi 1/3 stanovništva Maldiva. Glavni internacionalni aerodrom je **Velana**, koji se nalazi na posebnom ostrvu odmah pored glavnog grada odakle dolaze svi letovi iz Evrope, pa se odatle dalje transferišu do nekog od lokalnih aerodroma i hotela.

Površina: 298 km² **Broj stanovnika:** oko 540.000 **Državno uređenje:** Republika od 1965. godine, kada je stekla nezavisnost od Ujedinjenog Kraljevstva **Glavni grad:** Male, oko 143.000 stanovnika

USLOVI ULASKA NA MALDIVE

Državljeni Bosne i Hercegovine mogu putovati na Maldive bez obavezne vakcinacije. Također, nije potreban ni negativan PCR test.

VIZA

Državljeni Bosne i Hercegovine koji turistički putuju na Maldive, besplatnu vizu važeću za period do 30 dana dobijaju na maldivskom aerodromu. Potrebna je sljedeća dokumentacija: važeća putna isprava (pasoš BiH), povratna avio karta, dokaz o posjedovanju dovoljno finansijskih sredstava ili potvrda o uplaćenom turističkom aranžmanu. Rok važenja pasoša radi turističkog putovanja mora biti najmanje 6 mjeseci od datuma ulaska na Maldive.

VAKCINACIJA

Za putovanje na Maldive nije potrebno posjedovati polisu zdravstvenog osiguranja, niti dokaz o vakcinaciji, izuzev ako dolazite iz oblasti zahvaćene žutom groznicom (pojedine oblasti centralne Afrike ili južne Amerike).

KLIMA

Na Maldivima je zastupljena tropska klima, koja se odlikuje visokim temperaturama vode i vazduha tokom čitave godine. Upravo ta činjenica nam govori da je ova ostrvska država idealna za posjetu tokom čitave godine. Prosječne temperature vazduha kreću se između **29°-32°C**. Voda Indijskog okeana u oblasti Maldiva je podjednako topla tokom godine, sa prosječnim vrijednostima između **28°-30°C**.

Ono što utiče na klimu Maldiva su monsuni, vjetrovi koji pušu u Indijskom okeanu. Od sredine maja do početka novembra je zimski monsunski period (jugozapadni monsun) u kojem ima povremeno kiše i vjetera, dok je od januara do marta ljetni monsun koji je topao i suv (sjeveroistočni). Decembar i april su monsunski prelazni periodi.

Cijene boravka su najviše u sezoni (decembar-april), naročito u periodu božićnih i novogodišnjih praznika, kada je na Maldivima suho i toplo vrijeme. Period od maja do novembra je također topao, ali sa višim stepenom vlažnosti vazduha i većom mogućnošću kiša. Tada na Maldivima ima manje turista, te je lakše pronaći odgovarajući smještaj, koji je pritom povoljniji nego u sezoni.

NAJBOLJE VRIJEME ZA POSJETU

Suha sezona na Maldivima

JANUAR / FEBRUAR / MART

S obzirom da se nalaze u oblasti tropske klime, na Maldive možete ići tokom čitave godine. Ipak ono što na klimu utiče su monsuni. Od januara do marta pušu ljetni monsun sa sjeveroistoka koji donose toplo i suho vrijeme. Tako da u tom periodu gotovo da nema padavina.

Januar je najhladniji mjesec u godini sa prosječnom dnevnom temperaturom od **27°C**, dok je temperatura vode visoka tokom čitave godine i iznosi od **28°-30°C**. Cijene hotela su najviše tokom januara jer tada kreće sezona odmora i novogodišnjih praznika, a opšte je poznato da su Maldivi jedna od omiljenih destinacija za doček Nove godine.



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

S druge strane, februar je najsunčaniji mjesec u godini, sa insolacijom od 10 sati dnevno zato je potrebno ponijeti kreme za sunčanje sa većim zaštitnim faktorom. Cijene smještaja su standardno visoke s obzirom da je vrhunac ljetne sezone na Maldivima.

Mjesec mart je najtopliji mjesec u godini sa prosječnom dnevnom temperaturom od **29°C**, dok se maksimalne dnevne temperature kreću do **31°C**. Male su šanse za kišu, kao i u prva dva mjeseca u godini, tako da je mart idealan za posjetu Maldiva. Popunjenost smještajnih objekata i cijene su također velike, što je u skladu sa jekom sezone u ovom dijelu svijeta.

Prelazni period - APRIL

Ukoliko imate Maldive u planu u aprilu, ne čekajte ni časa budući da je upravo april posljednji prelazni mjesec sušne u kišnu sezonu. Ujedno april je pravi izbor jer su tada i temperature vode najviše, do čak **30°C**, što je idealno za cjelodnevno plivanje i uživanje u lagunama. Cijene smještaja u aprilu su najniže u ljetnoj sezoni, a kada to iskombinujete sa idealnim vremenskim uslovima, april je svakako odlično vrijeme za putovanje.

Vlažna sezona na Maldivima

MAJ / JUN / JUL / AUGUST / SEPTEMBAR / OKTOBAR / NOVEMBAR

Od sredine maja do kraja novembra je zimski monsunski period kada se javljaju jugozapadni monsun. Oni pušu sa mora na kopno donoseći Maldivima povremene padavine. Kao što je uobičajeno u tropskim područjima, kiše se uglavnom javljaju u vidu kratkih i intenzivnih pljuskova ili grmljavine. Ukupna godišnja količina padavina je nešto obilnija na južnim atolima, gdje se kreće oko 2.300 mm godišnje, a manje na sjeveru, gdje se kreće oko 1.800 mm godišnje. Razlika je uglavnom zbog činjenice da je na centralnim i sjevernim atolima relativno sušna sezona od januara do sredine aprila, koja je izraženija na najsjevernijim atolima.

Za maj je karakteristična velika vlažnost vazduha, oblačnost i poneki kratkotrajni pljusak, ali temperature vode i vazduha su i dalje visoke. Ako vam ne smeta topla kiša, maj može biti odlično vrijeme za povoljan odlazak na Maldive budući da su cijene smještaja u ovom periodu najniže u cijeloj godini te aranžmane možete naći i po duplo nižim cijenama.

Jun, jul i august su veoma sličnih vremenskih uslova i svi mjeseci također spadaju u nisku sezonu. Tokom ovih mjeseci možete očekivati dosta oblačnosti, kao i jutarnju i večernju kišu sa kratkotrajnim pljuskovima. Ipak, nije sve tako sivo jer upravo padavine pomažu da se razbistri velika vlaga, dok temperature i dalje ostaju prilično visoke, oko **29°C**. I dalje možete uživati u plivanju u okeanu ili bazenu i kada pada kiša, a vaše odmaralište će sigurno imati mnogo aktivnosti po vlažnom vremenu koje će vam pomoći da se zabavite. Cijene hotelskog smještaja u junu su, kao i u maju, najniže u toku godine, dok od 15. jula kreće blago povećanje cijena uslijed sezone godišnjih odmora i hoteli se polako pune. Međutim i dalje su cijene u julu i augustu niže nego u ljetnoj sezoni. Zbog velikog broja godišnjih odmora tokom jula i augusta, avio karte za Maldive se unaprijed kupuju, a hoteli su većinom bukirani.

Septembar je popularan zbog velikog broja parova koji ovdje provode svoj medeni mjesec. Ovo je mjesec sa najviše padavina u toku godine, ali nemojte zaboraviti da su to uglavnom kratkotrajni pljuskovi i da Maldive čini arhipelag od 1.200 ostrva tako da ne mora da znači da će padati kiša baš na vašem ostrvu. Najstabilnije vrijeme u septembru je na sjevernim atolima. Cijene smještaja su ekonomičnije nego u prethodna dva mjeseca, budući da je sezona ljetnih godišnjih odmora završena, te mnogobrojni hoteli daju popuste kako bi privukli turiste i popunili svoje kapacitete.

Oktoibar je promjenljiv mjesec, u kome se u jednom danu više puta smjenjuju kratkotrajne kiše i sunce, ali ima manje oblačnosti u odnosu na septembar. Temperature su visoke, more toplo, a zabilježeno je prosječno 8 sunčanih sati dnevno. Ako posjetite Maldive u ovo vrijeme, možete očekivati također niže cijene nego u sezoni.

Novembar je posljednji mjesec vlažne kišne sezone u kome je nešto niža vlažnost vazduha i manja oblačnost, ali je vrijeme i dalje promjenljivo. Novembar je također odlično vrijeme za pronalaženje povoljnih ponuda za boravak na Maldivima prije nego što stignu božićni praznici i gužve. Prvog novembra je presijek cijena pa je noćenje u hotelu u novembru svakako skuplje nego u oktobru, ali znatno povoljnije od vrhunca sezone u januaru, februaru i martu. Ukoliko imate odmor u novembru, iskoristite ga za ležanje na finom bijelom pijesku i kupanje u tirkiznim lagunama Indijskog okeana umjesto što stojite na sivoj novembarskoj kiši u Evropi.

Prelazni period — DECEMBAR

Decembar je mjesec koji predstavlja prelazni period sa kišne na suhu ljetnu sezonu. Ipak i dalje je moguće po neki osvježavajući ljetni pljusak, koji će brzo proći i nakon toga možete uživati jer je more savršeno toplo, večeri prijatne, a vlažnost vazduha manja. Cijene hotelskog smještaja su promjenljive u decembru i povećavaju se od 20. decembra kada kreću božićni praznici i doček Nove godine i tada su cijene najviše u toku cijele godine.

NOVAC

Zvanična valuta na Maldivima je **maldivska rufija** koja je podijeljena na 100 laari. Šifra digitalne valute je **MVR**, lokalna oznaka **Rf**. Novčanice koje je izdala monetarna uprava Maldiva (MMA) sastoje se od apoena od 1, 5, 10, 25, 50 laari, 1 Rf i 2 Rf. Plaćanje je moguće i u **američkim dolarima**. Ne preporučuje se nošenje novčanica štampanih prije 2006. godine. Također, u većini hotela, restorana i prodavnica možete plaćati platnim karticama **American Express, Visa International, Master Card, Diners Club i EuroCard**

RELIGIJA

Službena religija je **islam**, a jezik većine stanovništva je divehi, indoevropski jezik srodan singalskom, glavnom jeziku Šri Lanke. Nudizam je zakonom zabranjen, uključujući i boravak na plažama odmarališta, kupanje ili ronjenje bez kupaćih kostima u blizini brodova sa putnicima. U većini restorana nije dozvoljen boravak u kupaćim kostimima, kako bi se izbjegle neprijatnosti za druge prisutne goste.

To se, prije svega, odnosi na lokalna ostrva, dok je u rizortovima situacija drugačija i dozvoljen je boravak i kupanje u kupaćim kostimima, kao i konzumiranje alkohola, koji je na lokalnim ostrvima također zabranjen što je u skladu sa njihovom religijom.

JEZIK

Zvanični jezik je **divehi**. Engleski jezik je u širokoj primjeni kao službeni jezik. U turističkim područjima govore se i drugi jezici.

BEZBJEDNOST

Maldivi mogu biti izloženi opasnosti od cunamija. U ovakvim situacijama, po izdavanju upozorenja o opasnosti od strane Vlade Maldiva, potrebno je pratiti uputstva koja emituju lokalna sredstva javnog informisanja i ponašati se u skladu sa njima.

Važne napomene

* Tačan naziv smještaja biće potvrđen najkasnije do 30 dana pred put.



Jungle Travel d.o.o.
Branilaca Sarajeva 14,
71000 Sarajevo

PIB: 4202134850007
MB:
Broj licence: 4202134850007
Tekući račun: UniCredit

Telefon: 033 552-552
E-mail: kontakt@jungletribe.ba
Sajt: www.jungletribe.ba

Opšte napomene:

- Organizator putovanja je JUNGLE TRAVEL d.o.o Sarajevo sa licencom 07-02-22-9594/19.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu uslijed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPĆIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izađe u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevnim satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.



Jungle Travel d.o.o.

Branilaca Sarajeva 14,
71000 Sarajevo

PIB: 4202134850007

MB:

Broj licence: 4202134850007

Tekući račun: UniCredit

Telefon: 033 552-552

E-mail: kontakt@jungletribe.ba

Sajt: www.jungletribe.ba

-
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
 - Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.